



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

IX. Quod priores literae derogant posterioribus, nisi intentio prioris commiſſionis in posterioribus habeatur. Quod etiamsi causa consensu partium alteri fuerit delegata, & alter ignorante altero, ...

urn:nbn:de:hbz:466:1-15588

ANNO
CHRISTI
1179.

missa. Si vero duobus causa committitur, etiam si non apponatur, ut vnus sine altero in ea procedat, nihilo minus vnus ex ipsis, siue suo coniudici, siue alii, vices suas in hac parte committere potest.

Sed quid, si suo coniudici? nūquid ab ipso poterit appellari?

CAP. IX. *Idem eidem in eadem.*

Ceterum si qui ad iudices super aliqua causa ab apostolica sede literas commissorias impetrent aliis iudicibus forte committi, nisi de commissione prioribus facta in literis commissionis, qua aliis delegantur, mentio fiat, nihilo minus priores iudices in cognitione ac causa decisione procedere debent, nec secundae literae super eadem causa taliter impetratae, alicuius roboris firmitatem habere possunt. Si vero in secundis literis habeatur mentio de commissione prioribus iudicibus facta, praedicta causa priorum est exempta iudicio, cum eadem non sint tacita veritate impetratae. Verum si praesentibus patribus de ipsarum consensu cuiuslibet causa committitur, & processu temporis, vel etiam continuo, alterutra partium, altera nesciente, causam ipsam tacita veritate de priore commissione facta, impetrauit committi: non immerito is, qui tali dolo & fraude aduersarium cogit laborare, in expensis condemnari debet.

Nisi forte secundum priores sententiam tulerint ante quam secundae ad iudices peruennerint.

CAP. X. *Idem eidem in eadem.*

Sententiam a delegato iudice latam, si ad mandatum ipsius iudicis dioecesanus episcopus executioni mandare neglexerit: is qui ex delegatione Romani pontificis sententiam tulit, eam executioni mandandi plenam & liberam habet facultatem.

CAP. XI. *Idem Norwicensi episcopo.*

Significasti nobis per literas tuas, quod interdum a iudice delegato frustra super aliqua causa fertur sententia, cum ordinarius iudex eam ad mandatum ipsius nolit executioni mandare, vel aliis resistentibus effectui mancipare non possit. Super hoc autem consultationi tuae taliter respondemus, quod si ordinarius iudex ad mandatum iudicis a nobis delegati, non vult aut non potest aliis resistentibus sententiam ab eo latam effectui mancipare, delega-